

# Foreldrahandbók

## Kæru foreldrar/forráðamenn

Um leið og við bjóðum ykkur og barn ykkar velkomið í leikskólann, viljum við gefa upplýsingar um ýmis atriði sem tengd eru starfsemi leikskólans og nauðsynlegt er fyrir foreldra/forráðamenn að vita.

## Um leikskólann

Leikskólinn Akrasel tók til starfa í ágúst 2008. Leikskólinn er 6 deilda og fjöldi barna um 150 talsins. Deildarheiti eru tekin úr náttúrunni með vísun í nafnið okkar Akrasel. Akrasels nafnið er þjált, gamalt og gott. Í Víðigerði stóð leikskóli sem bar þetta nafn en honum var lokað þegar Teigasel tók til starfa árið 1998. Okkur finnst nafnið vel við hæfi þar sem það vísar í Akrafjallið okkar og akurinn. Segja má að við séum með óþlæggðan akur, þar sem börnin dvelja hjá okkur á sínum fyrstu mótunar árum.

## Starfsgrundvöllur

Leikskólastarfið byggist á lögum um leikskóla, Aðalnámskrá leikskóla sem er lögfest námskrá allra leikskóla og Skólanámskrá Akrasels (er í vinnslu). Leikskóli er uppeldis- og menntastofnun þar sem börn þroskast og læra í gegnum leik.

### Meginmarkmið með uppeldi í leikskóla er samkvæmt lögum:

- Að búa börnunum örugg leikskilyrði og hollt uppeldisumhverfi
- Að gefa börnum kost á að taka þátt í leik og starfi og njóta fjölbreyttra uppeldiskosta barnahópsins undir leiðsögn leikskólakennara
- Að kappkosta í samvinnu við heimilin að efla alhliða þroska barna í samræmi við eðli og þarfir hvers og eins og leitast við að hlúa að þeim andlega og líkamlega svo að þau fái notið bernsku sinnar
- Að stuðla að umburðarlyndi og víðsýni barna og jafna uppeldisaðstöðu þeirra í hvívetna
- Að efla kristilegt siðgæði barna og leggja grundvöll að því að börn verði sjálfstæðir, hugsandi, virkir og ábyrgir þátttakendur í lýðræðisþjóðfélagi sem er í örri og sífelldri þróun
- Að rækta tjáningar og sköpunarmátt barna í þeim tilgangi að styrkja sjálfsmynd þeirra, öryggi og getu til að leysa mál sín á friðsamlegan hátt.

Börnin eru að læra og æfa sig allan daginn. Við viljum leggja áherslu á virðingu, nálægð, hlýju og umhyggju sem hluta af uppeldisstarfinu.

---

## Markmið Akrasels eru:

### Að barnið:

- tileinki sér þá hæfni sem það krefst að takast á við sjálfan sig og lífið í samskiptum við aðra
- læri að takast á við kröfur og áskoranir daglegs lífs
- beri virðingu fyrir sjálfum sér og umhverfi sínu
- öðlist hæfni í að tjá sig og afla sér þekkingar

## Leikurinn sem náms og þroskaleið

Við leggjum áherslu á leikinn í allri sinni mynd og setjum hann í öndvegi, í leiknum felst nám, hann er kennsluaðferð og í senn námsleið barnsins. Leikurinn er kjarni uppeldisstarfsins í leikskólanum. Frjáls og sjálfssprottinn leikur er hið eðlilega tjáningarform barnsins. Reynsla barnsins tekur oftast á sig form leiksins. Í frjálsum leik eru mikilvægir uppeldiskostir sem geta eftt alhliða þroska barnanna, þ.e. líkams-, tilfinninga-, félagsvitsmuna-, siðgæðis og fagurþroska. Leikurinn er líf barnsins og starf. Segja má að í bernsku sé það að leika sér sama og að læra og afla sér þekkingar. Fjölbætt reynsla elur af sér þekkingu, nýjar tilfinningar, nýjar athafnir og nýja færni.

## Stefnur leikskólans – Umhverfismennt og Jóga

### Umhverfismennt

Markmið leikskólans eru að börn og starfsfólk fái notið náttúrunnar, upplifi hana af eigin raun, læri að njóta hennar sér til gleði og aukins þroska. Umhverfismenntun er samofin endurvinnslu og umhyggju fyrir umhverfi okkar sem m.a. fellst í flokkun og endurnýtingu.

### Markmið leikskólans Akrasels með umhverfismennt er :

- Að njóta náttúrunnar í leik og kennslu
- Að ganga um náttúru okkar af virðingu
- Að flokka úrgang og pappír (endurnýta)
- Að nota umhverfisvænar hreinlætisvörur
- Að safna lífrænum úrgangi (molta)
- Að rækta grænmeti og plöntur í garðinum
- Að spara raforku og vatn eins og kostur er

Í upphafi fengum við leiðbeiningar frá Þóru Þorvaldsdóttir sem var verkefnastjóri umhverfismenntar hjá okkur, kom hún reglulega til okkar fyrsta árið og veitti leiðsögn. Núna er umsjón umhverfismenntar alfarið í höndum starfsfólks leikskólans en við höfum greiðan aðgang að Þóru ef þurfa þykir. Allir starfsmenn bera ábyrgð á umhverfismenntinni. Þann 8.ágúst 2011 fengum við afhentan Grænfánann í fyrsta sinn.

## Jóga

Með ástundun jóga þjálfum við okkur í að tengja saman hug og líkama, vinnum að því að skapa meira jafnvægi og ábyrgð í lífi okkar. Jóga er kerfi sem sameinar margar æfingar eða stöður sem hjálpa líkama og huga okkar að vinna saman að því að byggja upp styrk, sveigjanleika, jafnvægi og einbeitingu.

Í Akraseli starfa þrír jógakennarar einnig hafa nokkrir leikskólakennarar lokið námskeiði hjá Guðjóni Bergmann í barna jóga.

## Aðlögun

Að byrja í leikskóla er ný reynsla fyrir barnið og foreldra þess. Allt er framandi og ókunnugt og því er mikilvægt að vel sé staðið að aðlögun strax í upphafi. Börnin þurfa að fá góðan tíma til að kynnst starfsemi leikskólans, starfsfólki og börnum. Aðlögun er ekki síður mikilvæg fyrir foreldra til þess að kynnst leikskólanum og starfsfólkinu. Hornsteinn er lagður að öryggi og vellíðan barnsins og samstarfi heimilis og skóla. Boðið er uppá aðlögunarviðtal 2-3 mánuðum eftir að aðlögun lýkur. Haustið 2011 var prufað í fyrsta sinn þátttöku aðlögun þar sem foreldrar eru þátttakendur í aðlögun barnsins fyrstu dagana. Það reyndist vel og því verður aðlögun með sama sniði nú og síðastliðið ár.

## Vistunartími

Við upphaf leikskóladvalar er gerður skriflegur samningur við foreldra um vistunartíma barns. Við biðjum foreldra að virða þennan samning, því fjöldi starfsmanna fer eftir viðveru barna á hverjum tíma. Ef þörf verður á að endurskoða þennan samning þá vinsamlega hafið samband við leikskólastjóra. Uppsögn á dvalarsamningi eða breytingar miðast við fyrsta hvers mánaðar og þarf að gera með eins mánaðar fyrirvara. Gagnkvæmur uppsagnafrestur er einn mánuður og miðast við mánaðarmót. Heimilt er að krefjast greiðslu fyrir einn mánuð hafi reglum um uppsagnafrest ekki verið fylgt. **Foreldrum ber að virða þann dvalartíma sem samið hefur verið um.**

Sjá nánar á: <http://www.akranes.is/verklagsreglur-fyrir-starfsemi-leikskola-akraneskaupstadar>

## Leikskólagjöld

Foreldrar fá senda greiðsluseðla heim fyrir leikskólagjöldum barnsins. Vinsamlega hafið samband við leikskólastjóra ef rangt gjald er á greiðsluseðli.

## Dagskipulag

Dagskipulagið myndar ramma um uppeldisstarfið í leikskólanum. Það heldur starfi leikskólans í hæfilega föstum skorðum og skapar öryggi og festu sem eykur vellíðan barna og starfsfólks. Börnin vita að hverju þau ganga á degi hverjum og kemur dagskipulagið í veg fyrir óþarfa biðtíma og árekstra í samskiptum. Meiri tími gefst til uppbyggilegra leikja og starfa. Fastir liðir svo sem matmálstímar, hópastarf og útivera skipa stóran sess í skipulaginu, ásamt námi og leik.

### Grunndagskipulag:

Opnun	6:45
Morgunmatur	8:00-9:00
Samvera	9:00-9:20
Hópastarf	9:20-10:00
Útivera /val (frjálsleikur)	10:00-11:15/11:30
Söngur	11:15-12:00
Hádegisverður	11:30-12:30
Lestur	12:30-13:00
Hvöld	12:30>
Útivera/ Val	13:00-14:30
Nónhressing	14:30-15:00
Samvera	15:00-15:30
Val/rólegr stund	15:30>
Lokun	16.00- 17:00

Við leggjum mikla áherslu á vellíðan og gleði. Í dagskipulaginu okkar höfum við áætlað rúman tíma í flesta liði, þannig að við liggjum ekki undir þeirri pressu að börnin geti ekki klárað leikinn sinn. Dagskipulagið er viðmið sem við vinnum út frá, tímasetningar skal taka með fyrirvara. Í leikskólastarfinu riðlast tímasetningar vegna ólíkra verkefna, vegna þess að stundum eru börnin misjafnlega upplögð eða vegna annarra óviðráðanlegra aðstæðna. Barnið og þarfir þess er ávalt í brennidepli.

## Að koma og fara

Við leggjum áherslu á að vel sé tekið á móti barninu og láta það látið finna að það sé velkomið í leikskólann og í lok dags sé barnið kvatt og því þakkað fyrir daginn. Mjög mikilvægt er að foreldrar fylgi barninu inn til starfsmanna og kveðji barnið þegar þeir yfirgefa leikskólann. Það er gott að gefa barninu tíma til þess að ljúka við vinnu sína og kveðja starfsfólkið þegar það fer heim.

## Fjarvistir

Foreldrar eru beðnir um að tilkynna um allar breytingar á viðveru barnsins t.d. veikindi eða frí. Óskað er eftir að foreldrar hringi og tilkynni um veikindi eða fjarverur barnsins, til þess starfsmanns sem svar símanum hverju sinni.

## Útivera

Útivera er mikilvægur þáttur í uppeldisstarfi leikskólans, þar sem grófhreyfingum og frjálsum leik er gert hátt undir höfði. Útivera er holl öllum börnum. Íslenskt veðurfar getur verið umhleypingasamt og rysjótt en við því er ekkert að gera. Þess vegna er íslenskum börnum frá blautu barnsbeini hollt að venjast veðráttu landsins. Sumir foreldrar hafa tilhneigingu til að óska eftir inniveru fyrir börn sín í því skyni að verja þau gegn veikindum. Það er ekkert sem bendir til þess að börn sýkist frekar í útilofti en innandyra. Mikilvægt er að börnin séu klædd í samræmi við veður og einnig að þau hafi næg aukaföt. Yfir sumartímamann með hlýnandi veðri og hækkandi sól lengist útiveran.

## Útbúnaður

Klæðnaður barnanna þarf að vera í samræmi við veðurfar og hafa ber í huga að veður getur breyst snögglega. **Merkja skal föt barnanna á greinilegan hátt, sérstaklega útiföt, þá eru minni líkur á að fötin glatist.** Mikilvægt er að fötin séu þægileg og hefti ekki hreyfingar barnanna. Nauðsynlegt er að hafa aukafatnað meðferðis í leikskólann. Aukafötin eru geymd í glærum plastkössum í hólfum barnanna. Gott er að hafa í kassanum föt sem ykkur er ekki annt um því ef þau geymast lengi vaxa börnin upp úr þeim. Á kassanum er miði sem segir hvað á að vera í honum. Þegar eitthvað er tekið úr honum þá er merkt við á miðanum hvað vantar. **Foreldrar eru vinsamlega beðnir að fylgjast vel með, fylla á kassann eftir þörfum og þurrka út af miðunum þegar fyllt er á.** Foreldrar eiga að koma með þann klæðnað sem barnið þarfnast í leikskólanum, leikskólinn er ekki með aukaföt á börnin. Það er gott að yfirfara fötin og halda þeim í lagi t.d. á teygjum, smellum og rennilásum. Fjarlægja þarf allar reimar úr fatnaði barnanna vegna slysaættu.

Leikskólinn er vinnustaður barnanna. Þess vegna er mikilvægt að þau séu í „vinnufötum“, þ.e.a.s. fötum sem þola vinnu með lím, liti, málningu eða útivinnu.

**Vinsamlega tæmið hólfi barnsins í vikulok til að auðvelda þrif.**

## Fyrir svefninn

Okkur langar til að biðja foreldra þeirra barna sem sofa miðdegislúr í leikskólanum um að koma með kotta, teppi eða sæng að heiman. Til þess að börnin hafi sína lykt í sængurfötunum. Annan hvern föstudag fer þetta heim og kemur hreint til baka á mánudögum. Þetta fyrirkomulag tryggir að sængurfötin séu alltaf hrein og ruglast síður á milli barna, þannig minnkar smithætta á milli barna og þvottar í umhverfisleikskólanum okkar verða minni. Lök og dýnur eru til staðar í leikskólanum.

Börnum á eldri deildum er einnig velkomið að hafa teppi og kotta með í leikskólann.

## Máltíðir

Í leikskólanum fá börnin morgunmat, sé þess óskað, hádegismat og nónhressingu. Leitast er við að hafa hollan og næringarríkan mat á borðum. Grænmeti og/eða ávextir eru alltaf í boði. Vinsamlega látið deildarstjóra vita strax ef barn hefur ofnæmi eða óþol fyrir einhverjum fæðutegundum og nauðsynlegt er að læknisvottorð þess efnis fylgi. Morgunverður er frá kl. 8:00 til 9:00, ef barn ætlar að borða morgunverð í leikskólanum þá þarf það að vera komið í leikskólann fyrir kl. 8:50. Í morgunmat er boðið upp á hafragraut, ab-mjólk eða annað. Um kl. 10 á morgnanna fá börnin ávaxtabita. Í nónhressingu er boðið upp á brauð, álegg og mjólk.

## Sérkennsla

Við leikskólann er starfandi sérkennslustjóri, Sigurður Sigurjónsson. Hlutverk sérkennslustjóra er að leiðbeina kennurum og foreldrum og halda utan um þau börn sem einhverra hluta vegna þurfa sérstuðning. Hann skipuleggur fundi ásamt kennurum, foreldrum og sérfræðingum. Einnig getur hann gert formlega athugun á þroska barnsins í skólanum með viðeigandi þroskaprófum eða matstækjum. Sú vinna fer fram með samþykki og í samvinnu við foreldra. Ef grunur vaknar um einhver þroskafrávik hjá barni ber kennurum barnsins að hlutast til um málið. Þetta á einnig við ef kennarar telja að félagslegar aðstæður barns hamli að einhverju leyti þroskamöguleikum þess.

## Sérfræðiráðgjöf við leikskólann

Við höfum kost á að kalla inn talkennara, iðjuþjálfu og sálfræðing. Hafi foreldrar einhverjar áhyggjur af fráviki í þroska barnsins s.s. í máli, hreyfingu eða öðru eiga þeir kost á því að fá þessa þjónustu fyrir barn sitt í gegnum leikskólann. Því fyrr sem gripið er inn í því betur stendur barnið sig í áframhaldandi námi.

## Foreldrasamvinna

Góð samvinna foreldra og leikskóla er forsenda fyrir árangursríkri dvöl og góðri líðan barnsins í leikskólanum. Samvinna foreldra og leikskóla þarf að byggjast á gagnkvæmri virðingu og opnum samskiptum. Daglegar upplýsingar um barnið heima og í leikskólanum eru nauðsynlegar því oft geta lítil atvik í lífi barnsins valdið breytingum á hegðun þess.

Foreldrar eru velkomnir í leikskólann til þess að taka þátt í því starfi sem þar fer fram, í samráði við starfsfólk. Þeir eru sérstaklega boðnir í foreldrakaffi, í einkasamtöl, á foreldrafundi o.fl.

**Látið vita ef einhver annar en þið sjálf sækið barnið.** Börnum yngri en 12 ára er að jafnaði ekki heimilt að sækja barn í leikskólann, jafnvel þó um systkini sé að ræða.

Foreldrum er velkomið að hringja í leikskólann til að spyrja um líðan barnsins og eins mun starfsfólk hringja ef þörf krefur.

Í fataherbergi og fyrir framan hverja deild eru upplýsingatöflur þar sem fram koma upplýsingar til foreldra eins og t.d. matseðill o.fl.

## Trúnaður

Það skiptir miklu máli að foreldrar sýni starfsemi, starfsfólki og öðrum börnum trúnað. Varast ber að taka myndir í leikskólanum af börnum annarra og birta á samskiptamiðlum. Einnig ef þið verðið vitni að einhverjum samskiptum og uppákomum í leikskólunum biðjum við ykkur að sýna nærgætni og trúnað. Símar eru ekki leyfðir í aðlögun.

Við höfum opnað Facebook síðu fyrir leikskólann og einnig hefur hver deild stofnað lokaðan hóp, þær síður á eingöngu að nota til uppbyggilegra samskipta. Þar setjum við inn myndir eða myndbönd af börnunum í þeirra daglega starfi í leikskólanum. **Virða skal trúnað.**

## Foreldrafélag

Við í Akraseli höfum ákveðið að við leikskólann starfi foreldrafélag. Í foreldrafélagi leikskólans eru allir foreldrar barnanna í leikskólanum. Markmið félagsins er að efla tengsl foreldra og starfsfólks, auka þátttöku foreldra í starfi leikskólans og tryggja velferð barnanna sem best. Foreldrafélagið innheimtir Krakkasjóð til að fjármagna skemmtanir og viðburði á vegum félagsins.

Foreldrafundur er haldinn einu sinni á ári að hausti. Þar kynnis leikskólastjóri leikskólann og deildirnar kynna vetrarstarfið. Aðalfundur foreldrafélagsins er haldinn samhliða foreldrafundi leikskólans.

Skólaárið 2015-2016 verður gjaldið í Krakkasjóð 3000 kr. á heimili auk innheimtukostnaðar.

## Foreldraráð

Samkvæmt lögum um leikskóla 2008, skal kosið í foreldraráð í september á hverju ári, til eins árs í senn. Í foreldraráði sitja að lágmarki þrjú foreldrar. Leikskólastjóra ber að starfa með foreldraráði.

Hlutverk foreldraráðs er að gefa umsagnir til leikskóla og nefndar, sbr. 2. mgr. 4.gr., um skólanámskrá og aðrar áætlanir er varða starfsemi leikskólans. Þá skal ráðið fylgjast með framkvæmd skólanámskrár og annarra áætlana innan leikskólans og kynningu þeirra fyrir foreldrum. Foreldraráð hefur umsagnarrétt um allar meiriháttar breytingar á leikskólastarfi.

## Foreldraviðtöl

Tvisvar á ári hittast foreldrar og leikskólakennari barnsins til formlegs samtals um gengi barnsins í leikskólanum og áherslur leikskólastarfsins. Annað er á haustin þá er farið yfir líðan barnsins og á vorin er farið yfir þroskakönnun sem gerð er af leikskólakennurum barnsins. Að sjálfsögðu geta báðir aðilar einnig óskað eftir viðtali hvenær sem þurfa þykir. Við hvetjum foreldra að láta viðtölin ekki framhjá sér fara.

**Munið að starfsfólk er bundið þagnarskyldu og við viljum biðja foreldra/forráðamenn einnig um að sýna trúnað og þagmælsku gagnvart því sem þið verðið áskynja og varðar persónuleg málefni barna, foreldra og starfsmanna í leikskólanum.**

## Samstarf leik- og grunnskóla

*Brúum bilið* er samstarfsverkefni leik- og grunnskólanna á Akranesi, Brekkubæjarskóla, Grundaskóla, Akrasels, Garðasels, Teigasels og Vallarsels. Elstu börnin fara í nokkrar skipulagðar heimsóknir yfir veturinn í grunnskóla. Í apríl fara þau síðan í svokallaðan *Vorskóla*, þá fara þau og eru í skólanum í 3-4 daga í röð. *Vorskólinn* endar með húllumhæi síðasta daginn. Vorskólinn er skipulagður af grunnskólunum á Akranesi.

### Markmið samstarfsins er:

- Að tengja skólastigin saman
- Að skapa samfellu í námi og kennslu barna/nemenda á þessum tveimur skólastigum
- Að byggja upp gagnkvæma þekkingu og skilning á starfi kennara á hvoru skólastigi
- Að stuðla að vellíðan og öryggi barna við að fara úr leikskóla í grunnskóla
- Að skapa farveg fyrir miðlun upplýsinga á milli skólastiga

## Hefðir og hátíðir

Við í leikskólanum höldum uppá hina ýmsu daga og hátíðir.

- Þann 16. nóvember ár hvert höldum við hátíðlegan *Dag íslenskrar tungu*.
- Jólaskemmtun er haldin í desember.
- Rauður dagur er haldin í desember. Þá syngjum við saman í sal það er opið á milli deilda í leikskólanum og við borðum hátíðar mat. Gaman ef allir klæðast einhverri rauðri flík eða jólasveinahúfu.
- Bóndadaginn höldum við uppá með því að bjóða feðrum, öfum, frændum og bræðrum uppá bóndadagshafraut.
- Við höldum *Þorrann* hátíðlegan með því að bjóða börnunum upp á sviðaveislu og auk þess er einni ávaxtastund breytt í harðfisksstund.
- Fyrsta föstudag í febrúarmánuði er alþjóðlegur *tannverndardagur*. Við höldum upp á hann með þemavinnu um tannhirðu og heimsókn á tannlæknastofu.
- Dagur leikskólans er haldinn hátíðlegur með andlitsmálningu og skrudgöngu í kring um leikskólann.
- Á *Bolludag* fá börnin fiskibollur í hádeginu og rjólabollur í eftirmat.
- Á *Sprengidag* er boðið upp á saltkjöt og baunir.
- Á *Óskudag* höldum við náttfataball, þar sem við sláum köttinn úr tunnunni.
- Konudaginn höldum við hátíðlegan föstudaginn fyrir konudag með því að bjóða mæðrum, ömmum, frænkum og systurum í morgunverð.
- Gulur dagur er haldin í dymbilviku Þá syngjum við saman í sal það er opið á milli deilda í leikskólanum. Leikskólinn á gula boli fyrir öll börnin til að klæðast við sérstök tækifæri.
- Grænn dagur er haldin á degi umhverfisins. Þá förum við út og hreinsum rusl í kring um leikskólann, borðum grænmeti, drekkum vatn með grænum ísmolum og borðum græna köku. Gaman ef allir klæðast einhverri grænni flík þann dag.
- Vorskólinn er í apríl.
- Lambaferð í maí.
- Hjóladagur í maí.
- Árgangamót leikskóla Akraness haldið í lok maí/byrjun júní
- Útskriftaferð elstu barnanna í maí.



- Útskrift í maí/júní.
- Blár dagur er haldin föstudaginn fyrir sjómannadag. Þá syngjum við saman í sal og borðum bláberjaskyr. Gaman ef allir klæðast einhverri blárri flík þann dag.
- Síðasta föstudag í mánuði er opinn söngsalur þar sem allir eru velkomnir. Um er að ræða hefðbundin söngsal sem hefst kl 9.15 og stendur í 15-30 mín.
- Við komum til með að bjóða uppá opið hús, kaffi eða aðra viðburði fyrir foreldra, formið verður auglýst síðar.

## Afmæli

Við biðjum foreldra að senda börnin ekki með kökur, sælgæti eða þess háttar á afmælisdögum barnanna. Síðasta föstudag í hverjum mánuði er bakað í leikskólanum fyrir afmælisbörn mánaðarins. Afmælisbarnið fær kórónu og það er sungið fyrir það. Barnið er í brennidepli á afmælisdaginn sinn. Okkur langar til að skapa hefð og biðja foreldra að koma með sögu barnsins frá fæðingu til afmælisdags. Á hverju ári er svo bætt við nýjum kafla í sögu barnsins. Sagan er svo lesin í heild sinni á afmælisdegi barnsins.

Vinsamlega setjið ekki boðskort í hólfi barnanna í leikskólanum þegar verið er að bjóða í afmæli heim, slíkt getur valdið miklum sárindum.

## Óhöpp eða slys

Veikist eða slasist barnið í leikskólanum höfum við tafarlaust samband við foreldra og bregðumst við hverju tilfalli eftir bestu vitund. Hlúð er að barninu þar til foreldrar sækja það. Náist ekki í foreldra eða ef um alvarlegt slys/veikindi er að ræða er farið með barnið beint á slysideild. Barnið er slysatryggt meðan það dvelur í leikskólanum.

## Veikindi

Það er gert ráð fyrir að börnin taki þátt í öllu starfi leikskólans úti sem inni. Þess vegna getum við ekki tekið á móti veikum barni eða barni sem er að veikjast. Barn smitar mest þegar það er að veikjast. Útiveru er ekki sleppt nema í algjörum undantekningar tilvikum. Í leikskóla er alltaf meiri hættu á smiti og útbreiðslu algengra umgangssjúkdóma. Ef barn veikist og fær hita, þarf það að dvelja heima þar til það hefur verið hitalaust í 1-2 sólarhringa. Fáir barn smitandi sjúkdóm verður það að dvelja heima þar til smithætta er liðin hjá. Þetta er nauðsynleg ráðstöfun til að forðast útbreiðslu sjúkdóma í leikskólanum og sjálfsögð tillitsemi við önnur börn og starfsfólk. Ef barn er fjarverandi vegna veikinda í mánuð samfelld er greitt hálf gjald. Foreldrum er bent á að ef um miklar fjarvistir er að ræða vegna veikinda, þarf að skila læknavottorði til að fá niðurfellingu á gjaldi.

**Ef barn hefur fæðuóþol eða ofnæmi þarf foreldri að skila læknavottorði frá viðeigandi sérfræðingi (ekki heilsugæslulækni).**

## Lyf

Kennarar leikskólans mega ekki gefa börnunum lyf. Ef barn þarf á lyfjum að halda, ber að haga lyfjagjöfinni þannig að lyfin séu gefin heima en ekki í leikskólanum. Undantekning er gerð þegar þarf að taka lyf að staðaldri eða þegar um astmalyf er að ræða.

## Sumarleyfi

Leikskólinn er lokaður í 5 vikur á sumrin (gjaldfrítt í 5 vikur). Öll börn í leikskólanum eiga að taka að lágmarki 4 vikna samfelld sumarleyfi. Gjald fyrir júlímánuð fellur niður, óháð hvenær barnið tekur sumarleyfið.

Jafnframt er leikskólinn lokaður á aðfangadag og gamlársdag.

## Námskeiðs- og skipulagsdagar

Leikskólar Akraness eru lokaðir fjóra daga á ári vegna námskeiðs- og skipulagsdaga. Þessir dagar eru í tengslum við námskeiðs- og skipulagsdaga grunnskólanna. Einn í ágúst, einn í október eða nóvember, einn fyrsti virki dagur janúar og einn á vormánuðum.

Námskeiðs- og skipulagsdagar eru tilgreindir í skólalagatali, þeir eru einnig auglýstir sérstaklega.

## Umhverfið

Vinsamlegast akið varlega í næsta nágrenni leikskólans og skiljið bílinn ekki eftir í gangi. **Skiljið hurðir og hlið leikskólans aldrei eftir opið og látið starfsfólk alltaf vita þegar komið er með barnið í leikskólann og þegar það er sótt.**

## Símanúmer leikskólans

433-1260	<b>Lundur</b> – leikskólastjóri Anney
433-1262	<b>Fell</b> - aðstoðarleikskólastjóri/sérkennsla Siggí
433-1263	<b>Gil</b> – Klara, Sólrún
433-1264	<b>Laut</b> - kaffistofa
433-1265	<b>Púfa</b> - vinnuherbergi kennara
433-1266	<b>Lækur</b> – Katla
433-1267	<b>Tjörn</b> - Hanna
433-1268	<b>Mýri</b> – Vallý
433-1269	<b>Hóll</b> – Drífa (Lindir)
433-1270	<b>Dalur</b> - salur
433-1271	<b>Berg</b> – Sigrún Vigdís
433-1272	<b>Gljúfur</b> - Gunnur
433-1273	<b>Klettur</b> - Rós
433-1274	<b>Brekka</b> - Brynja (Hamrar)

*Handbók þessi inniheldur grunnupplýsingar um leikskólann, hún er í stöðugri endurskoðun. Ef eitthvað er óljóst þá er ykkur velkomið að hafa samband við starfsfólk leikskólans.*

*Akranes, maí. 2015*

*Anney Ágústsdóttir, Leikskólastjóri*

## Upplýsingar

Deildarstjóri: \_\_\_\_\_

Netfang: \_\_\_\_\_

Starfsmenn: \_\_\_\_\_

Sími deildar: \_\_\_\_\_

Netfang leikskólans: \_\_\_\_\_

Annað: \_\_\_\_\_

\_\_\_\_\_

\_\_\_\_\_

